

էլ նշանակութիւն ունի մարդու սովորութիւնը և կաշու տոկունութիւնը. ով որ բոլորովին առողջ է և շատ ժամանակ է անցկացնում բաց օդում, նա աւելի քիչ կը վնասուի ցրտից կամ տօթից, ուրեմն և կարող է տաք կամ թեթեւ շոր հագնել, ինչպէս կամենայ, իսկ հիւանդոտ մարդիկ, որոնք շատ են տանը նստում, պէտք է զգոյշ պահեն իրենց՝ ցրտից ու վատ եղանակից չվնասուելու համար. Միևնոյնը կարելի է ասել երեխաների համար. սոցա հագուստը փափուկ կտորից պիտի կարուի, որ արգելք չլինի արենադարձութեանն ու երեխաների ազատ շարժումներին:

Հագուստը նաև լաւ դաստիարակչական միջոց է. երեխաներին պէտք է սովորեցնել որ իրենց շորերը մաքուր, կարգին պահեն, երեկոները միշտ որոշ տեղում փռեն, լաւ շորերը պահպանեն, չկեղտոտացնեն, չպատռտեն: Ամէն երեխայ պիտի վարժուի ու սովորութիւն դարձնէ, որ ինքը իւր շորերը մաքրէ, որով նա ճշտապահութեան ու ուշադիր լինելու է ընտելանում, այլ և սովորում է կառավարուել առանց ուրիշի օգնութեան. մեծերն էլ աւելորդ հոգսից ու ժամանակի կորուստից ազատ են մնում:

Այսու ամենայնիւ ով որ չափազանց շատ է հող տանում հագուստի դեղեցկութեան մասին, նա ուրեմն բարձր է դասում այն իւր արժանապատուութիւնից, ուրեմն և քիչ դին է տալիս իրեն:



ՀՈՂԱԳԻՏՈՒԹԻՒՆ.

Հողագիտութիւնը ուսուցանում է մշակելի հողերի կազմութիւնը, տեսակները, ֆիզիքական և քիմիական յատկութիւնները, ինչպէս նաև մշակուելիք բոյսերի հետ ունեցած յարաբերութիւնները:

Հող կամ գետին կոչւում է երկրիս երեսը գտնւող այն մասը, որն մէջ բոյսերի արմատները հաստատուելով դարդանում են և բոյսերը կանգուն պահում օդի մէջ: Հողի բաղադրիչ նիւթերը կամ տարրերը առաջացել են հանքային, բուսական և կենդանական մարմինների քայքայումից կամ տարրալուծումից:

Գործունեայ հող կաշուում է այն հողը, որ ամենից աւելի մշակուած է և քրքրուած և որ ամէն տարի աղբուելու պատճառով, հետզհետէ բարգուտող գործարանական մարմիններէ մնացորդներէ միակառնուամով՝ թուելս գոյն է ստացել: Գործունեայ հողից յետոյ անմիջապէս դալիս է մի ուրիշ խաւ, որ առաջնի նման թխագոյն չէ և ոչ էլ նորա չափ տակն ու վրայ է եղել: այս խաւը կոչուում է անգործ հող: Գործունեայ և անգործ հողերը միանդամայն կազմում են բուսական հողը, որի թանձրութիւնը երկրաբանական դրութեան և հողերի կազմակերպութեան համեմատ տարբեր է լինում: Բուսական հողը որքան շատ թանձր լինի, այնչափ էլ նորա շահագործումը նպաստաւոր է:

Բուսական հողին յաջորդում է ստորին հողը, որ կարող է առաջինի բաղադրութիւնը ունենալ կամ չունենալ: Բուսական հողը բարւոքելու համար յաճախ հարկաւոր է լինում խորապղումն, որով ստորին հողը խառնուում է բուսական հողի հետ:

Գործունեայ հողը ընդհանրապէս կոչուում է մեակելի հող, որի բաղադրութիւնը հողի տեսակների համեմատ դանադանում է, իսկ բարեբերութիւնը կախումն ունի հողը կազմող ֆիզիքական և քիմիական տարրերի բաղադրութիւնից, որպէս նաև բոյսերի և տունկերի պահանջներից:

Հողագործութեան մէջ ամենախարեւոր մի բանն է հողերի հետ լաւ ծանօթանալը. եթէ չճանաչուին հողերի տեսակները և նոցա առանձնայատկութիւնները, դժուար կը լինի մշակութիւնը յաջող պայմաններէ մէջ դնել: Շատ անգամ դաշտի հողը աւելի հեշտութեամբ ճանաչուում է դաշտում կամ շրջակայքում դտնուած քարերից, քան թէ հողի ֆիզիքական երևոյթից, ուստի հարկաւոր է նաև ծանօթանալ այն ժայռերի հետ, որոնցից առաջացել են հողերը:

Փորձը ցոյց է տալիս, որ երկրագունտը կազմող կարծր դանդուածը իւր բոլոր թանձրութեամբ համազդի չէ՝ միայն մի տեսակ հանքային մարմնից չէ բաղկացած, այլ զանազան մարմիններից. մի տեղ տեսնուում են կաւը, որձաքարը, աւազը՝ մի ուրիշ տեղ մարմարիոնը, թիթեղնաքարը, կրային շերտերն և այլն: Կարծր դանդուածներ բաղկացնող հանքային նիւթերը կոչուում են ժայռեր: Ժայռը կարող է լինել պարզ կամ բաղադրեալ. պարզ է, երբ բաղկացած է մի տեսակ հանքից, ինչպէս կաւիճը, հանքածուխը, ազաձուկը (selgemme) և այլն, իսկ բաղադրեալ է, երբ պարունակում է մէկից աւելի հանքեր. օրինակ, որձաքարը բաղկացած է արասայ վեմից (feldspathe), գաւարդից (quartz) և թիթղանից (mica): Երկրաբանները միևնոյն

յատկութիւն ունեցող ժայռերը բաժանել են երկու դիտարկման խմբերի՝ հրային կամ եռացական ժայռեր (roches ignées) և ջրամբարային ժայռեր (roches sédimentaires)։

Բնագէտները հաստատել են, որ ջերմութեան բարձր աստիճանի շնորհիւ երկիրը իւր նախնական վիճակի մէջ թանձր մթնոլորտով շրջապատուած մի յեղուկ գունա էր, որ իւր առանցքի և արեգակի շուրջը թաւալելով և հեռոճեակ ջերմութիւնը ցրուելով սառել և ծնունդ է տուել մի նախնական կեղևի․ ներքին եռացմամբ նախնական կեղևը պատաստուելով՝ դուրս են ժայթքել հրային նիւթեր, որոնք աստիճանաբար սառել ու կարծր մարմիններն են փոխուել, որպէս սրձաքարը (granit), պորփիրը (porphyre) և այլն։ Այդ եռացական ժայռերը ամենից առաջ գոյացած լինելուն պատճառով կազմում են նախնական գետինը։

Նրաբուղիններից ժայթքած լաւանները թէպէտ և եռացական ժայռերի նման ներքին բորբոքումից են յառաջ եկել, սակայն տարբեր յատկութիւն ունեցող գետին գոյացրած լինելու համար կոչուել են հրաբոլխային ժայռեր կամ գեթին։

Նախնական գետինը կազմուելուց մի ժամանակ յետոյ, ջրերի ազդեցութեամբ եռացական ժայռերի մի մասը հեղեղուելով, ջրի մէջ առաջացրել է առկախեալ մարմիններ՝ տիղմեր, որոնք ժամանակի ընթացքում հեռոճեակ շատացել և նոր նոր տարրերի յաւելումովն յառաջ են բերել հակազդեցութիւններ, որով ջրի մէջ գտնուած առկախեալ մարմինները խտութեան կարգով ջրի յատակն են նստել և կազմել հորիզոնական որոշ շերտեր․ իսկ սորա իրար վերայ ճնշելով և իրենց մէջ պարունակած ջուրը կորցնելով կարծրացել են․ այդպէս կազմուել են ջրամբարային ժայռերը կամ գետինը։

Ժայռերի փայլալուծումն և սարքալուծումն.— կազմուած ժայռերը բնական տարրերի գորութեամբ ոմանք քայքայուելով վերածւում են շատ կամ քիչ խոշորութեամբ մասնիկների, ինչպէս աւազը, խճաքարերն և այլն, իսկ ոմանք էլ քիմիական մարմինների ազդեցութեամբ իրենց նախնական վիճակը փոխում են, ինչպէս կաւային հողերը, կրային հողերը և այլն։

Ինչպէս բոլոր մարմիններին, նոյնպէս և ժայռերի ծաւալը ջերմութեան ազդեցութեամբ առաւել կամ պակաս չափով մեծանում է, իսկ սառնութեան ազդեցութեամբ փոքրանում է։ Շատ մարմիններ այդ փոփոխութիւններից յետոյ կրկին իրենց նախկին ձևն են ստանում, բայց շատերն էլ, երբ ջերմութեան աստիճանը շատ է բարձրանում, իրենց նախկին ձևն այլայլում են․ յաճախ պատահում է որ ժայռը ճեղքուի և կամ ժայռի

մասնիկները իրարեց բաժանուին. այդ պարագայում ճեղքերից և ծակոտիկներից ներս մտնող ջուրը սառչելով՝ ճնշողական սաստիկ ոյժ է յառաջ բերում և փշրում է ժայռի երեսները, նոյն իսկ ամբողջ ժայռը: Սառը հալչելուց յետոյ, փշրուած մասերը հող դարձած թափւում են դետին:

Բոյսերի արմատներն էլ ժայռերի քայքայման պատճառ են դառնում. շատ անգամ ժայռերի վերայ երևում են մամուռներ՝ այդ ամենանախնահան բոյսի մազածե արմատներն իսկ փշրում են ժայռի երեսներն և հող դարձնում: Ծառերի արմատները թափանցելով ժայռերի ճեղքուածները մէջ տակաւ առ տակաւ ժայռը քայքայում են:

Կենդանիներն էլ բոյսերի նման միջամտում են հողերի կազմութեան գործին. բազմատանիք և ճականատները (Bacterie) կերպարանափոխում են հանքային մարմինները: 1877-ին Եւրոպայում հաստատել են, որ միքրոոպները մեծ ազդեցութիւն ունին բորակազործութեան (nittrification) վերայ:

Ջուրը հողերի կազմութեան մէջ մեծ դեր է կատարում. չկայ մի ժայռ, որ ենթակայ չլինի ջրի մեքենական ոյժին. նորա ազդեցութիւնը ընդհանուր է՝ նա հոսում է երկրի վերայ, մտնում է քարերի ճեղքերից ներս, թափանցում է երկրի խորերը, յղկում, փշրում և տարրալուծում մեծամեծ ժայռերը: Կան հանքային տարրեր, որ դառած ջրերում լուծւում են, ինչպէս կալիի և նատրոնի ածխատները (carbonate de potasse et de soude). իսկ կան հանքեր էլ, որննակ կրածխատները, որոնք լուծւում են ածխական թթու պարունակող ջրերի մէջ:

Թթուածինը գործարանական մարմինների կերպարանափոխութեան գլխաւոր պատճառներից մինն է: Երկաթ պարունակող ժայռերը խոնավութեան մէջ թթուածինի ազդեցութեամբ այլալուծւում, ժանդոտւում են. օրինակի համար սպիտակ ռոշնան (pyrite blanche) երկաթից և ծծումբից բաղկացած մի ժայռ է, որ թթուածինի ազդեցութեամբ տարրալուծւում է:

Նոսացական ժայռերից կազմուած հողերը.—Բաւական չէ կմանալ, թէ հողերը առաջացել են ժայռերից, այլ պէտք է գիտենալ թէ ինչ տեսակ ժայռերից ինչ տեսակ հողեր են կազմուել և ինչ առանձնայատկութիւններ ունին:—Առաջինը, թէ որձաքարը բաղկացած է գաւարզից, թիթղոնից և արաստոյ մէմից: Գաւարզը գայլախաղածնի (silicium) և թթուածնի մի բաղադրութիւն է, առւում է նաև գայլախաղածնային թթու, որովհետև ընութեան մէջ թթուի դեր էլ կատարում է՝ միանալով խաղիսինների (berse) հետ կազմում է գայլախաղածնատներ: Բացի

Ֆլուորը թթուից ոչ մի թթուից գաւարդը չի այլայլուում: Կարմիր աստիճան տաքութեան մէջ եթէ գաւարդի հետ խառնելու լինինք կալիի կամ նատրոնի ածխատներ, ածխական թթուն արձակուում է, իսկ գայլախաղածնատային թթուն կալիի կամ նատրոնի հետ միանալով կազմում է ապակի: Գաւարդը բնական վիճակում անլուծելի է, և չի հալչում. մի կարծր հանք է այս, որ բնական ոյժերի տակ քայքայուելով առաջացնում է աւազ, խնձեր և կոպիններ: Բիւրեղացած մաքուր գաւարդը ապակիի նման վայլուն և թափանցիկ է, և գոյնզգոյն է, երբ անմաքուր է, կամ դուր չէ: Գաւարդից առաջացած աւազներում բացի անտառանկելուց ոչ մի մշակութիւն չի յաջողում, եթէ աւազի ֆիզիքական յատկութիւնները չբարւորուեն:

Թիթղոն.—Թիթղոնի բաղադրութեան մէջ կայ երկաթի ոքսի, պաղլեղ (alumine), կալի, կիր և ֆլուորի թթուի հետքեր. թիթղոնը թէպէտև տարրալուծւում է, բայց շատ դժուարութեամբ, որովհետև երեսը շատ ուռիկ է: Թիթղոնը առաձգական մի հանք է, երբ ծալեն՝ կրկին իւր նախնական դիրքը կտանայ. բաժանւում է բարակ և խոշոր թերթերի. գոյնը կարող է լինել արծաթագոյն կամ կաթնագոյն, երբեմն էլ սև:

Արասոյ վեմ—Մի կարծր հանք է, շատ անգամ բիւրեղացած՝ լինում է սպիտակ, դեղնագոյն, երբեմն կապտագոյն. նայելով իւր մէջ պարունակած մարմինների լինում է գոյնզգոյն: Արասոյ վեմի տեսակներն են ուղղաքար (Orthose), դայքաքար (albite), լաբրատոր (labrador):

Ուղղաքարը բաղկացած է նատրոնից, գայլախաղածնատից, պաղլեղիկից և կալիից: Ջրի մէջ գտնուած ածխական թթուն միանալով կալիի հետ կազմում է կալիի ածխատ, որ ջրի մէջ լուծւում է. մնում է պաղլեղիկի գայլախաղածնատ, որ ուրեշ բան չի եթէ ոչ կաւը:

Պորփիր կամ ծիրանաքար.—Նուացական մի ժայռ է, որից առաջացած հողերն ամուլ են, և մշակութիւնը դժուար:

Խոսաքար (trachyte) բաղկացած է արասոյ վեմից, գաւարդից, թիթղոնից և հրասից (pyroxene). այս ժայռերից առաջանում են կաւային սպիտակագոյն հողեր, որ շատ բերրի են:

Սեւակուն կամ երկաթաքար (basaltes), բաղկացած է արասոյ վեմից, լաբրատորից, երբեմն էլ օսկեքարի (peridot), հրատի, թիթղոնի, հալաքարի (zéolite) և երկաթի բիւրեղներից. սաքար կարծր ժայռեր են, որոնց երեսները յղուած լինելուն պատճառաւ դժուարութեամբ են տարրալուծւում:

Բոլոր այն հողերը, որ առաջացած են սրձաքարային ժայ-

ուերից, պարունակում են բաւականաչափ կալի և նատրի. իսկ լուսածնային թթու և կրածխատն, որ բոյսերի սննդառութեան մէջ մեծ դեր են կատարում, որձաքարային հողերում պակասում են. դորա համար հողը մշակելիս հարկաւոր է աւելացնել լուսածնային թթու և կրածխատ պարունակող պարարտացուցիչ նիւթեր: Այն տեղերում, որ այդ նիւթերը դժուարութեամբ են ձեռք բերուում և փոխադրութեան համար շաա ծախս են պահանջում՝ կարելի է գործ դնել հետեւեալ հեշտ միջոցը. հողը վարելուց յետոյ կամ պարապ թողնել, որ ինքնաբոյս խոտեր աճին, և կամ ցանել սևէ մի խոտ, աշնան միջոցին խոտը քաղել, խուրձ խուրձ այրելով մոխիրը խառնել հողի հետ, որով հողի մէջ աւելացրած կը լինենք լուսածնային թթու և կրածխատ: Արագածի և Արարատի հողերը մեծ մասամբ որձաքարային են. լեռները բարձունքները և կողերը յատկացրած են արօտատեղիները, կսկ ստորոտներն ու հովիտները մշակութեան, որի յաջողութիւնը կախումն ունի լեռներից հոտող ջրերի առատութիւնից: Չորային երկրներում, առանց ջրի մնալով, որձաքարային հողերը բոյս չեն արտադրում:

Նկատուած է, որ որձաքարային երկրներում անասունները կմախքով փոքր են լինում. դորա գլխաւոր պատճառը կարող է լինել լուսածնային թթուի և կրածխատի պակասութիւնը, որ կենդանեաց սկորները բազադրութեան մեծ մասն է կազմում:

Սևակուճային ժայռերից առաջ եկած հողերը պարունակում են այն, ինչ որ պակասում էր որձաքարային հողերում՝ լուսածնային թթու և կրածխատ: Այս կարգի հողերն էլ ընդհանրապէս լեռնոտ գլրերի մէջ գտնուելուն պատճառով՝ մշակութիւնը դժուարին է և մեծամեծ ծախսեր է պահանջում, ժողովուրդը գլխաւորապէս պարապում է խաշնարածութեամբ: Սևակուճային հողերը կաւային են, այս հողերը լինում են կարմրագոյն, որովհետև իրենց մէջ պարունակում են երկաթ:

Որձաքարային հողերը նոյնպէս երբեմն կաւային են, բայց մեծ մասամբ աւաղային. որձաքարային և սևակուճային հողերի մէջ գլխաւոր տարբերութիւնն այն է, որ առաջինը արտադրում է սիզաբոյսեր, իսկ երկրորդը պատենաւոր բոյսեր:

Մ. Ղազարսեան